



কুরআন হাদীসের আলোকে  
মওদুদী মতবাদ  
মুফতী মনসুরুল হক

মাকতাবাতুল মানসুর  
Install “Islami Jindegi” App

[www.darsemansoor.com](http://www.darsemansoor.com)

[www.islamijindegi.com](http://www.islamijindegi.com)

## সূচিপত্র

### বিষয়

মওদুদী সাহেবের ব্যাপারে কতিপয় প্রশ্ন

১নং প্রশ্নের জবাবঃ মওদুদী সাহেবের চিন্তাধারা নিয়মিতই ভ্রান্ত

কুরআন কী চার বুনিয়াদী ইস্তেলাহেঁ- নামক বই

তানকীহাত নামক বই

দ্বীন সম্পর্কে মওদুদী সাহেবের কয়েকটি বক্তব্য

সার সংক্ষেপঃ

মওদুদী সাহেবের একটি মৌলিক খিওরি

আম্বিয়ায়ে কেরামদের সম্পূর্ণ নিষ্পাপ বলতে নারাজ

সাহাবায়ে কেরামকে সত্যের মাপকাঠি না মানা

ইমামদের তাকলীদ

জগৎবিখ্যাত কয়েকজন আলেমের অভিমত

আকাবিরে দেওবন্দের সর্বসম্মত ফাতাওয়া

মুফতীয়ে আযম মুফতী মুহাম্মদ শফী রহ. এর ফাতাওয়া

হযরত মাওলানা য়াফর আহমাদ উসমানীর অভিমত

শাইখুল হাদীস আব্দুল হক রহ. এর অভিমত

২নং প্রশ্নের জবাবঃ মওদুদী সাহেবের লিখিত বই- পুস্তক পড়া

শাইখুল ইসলাম হযরত হুসাইন আহমদ মাদানী রহ. এর অভিমত

আল্লামা ইউসুফ বিনুরই রহ. এর অভিমত

মুফতী মাহমূদ হাসান গাংগুহী রহ. এর ফাতাওয়া

৩নং প্রশ্নের জবাবঃ মওদুদী পত্নী ইমামের পিছনে নামায আদায়



একদিকে যেমন নিয়মিত কোন শিক্ষা গ্রহণ করে আলেম হওয়ার সুযোগ তিনি পাননি অপর দিকে কোন কামেল ও দক্ষ আলিমের দিক নির্দেশনার অধীনে থেকে দ্বীনী কাজ করার প্রয়োজনীয়তাও তিনি স্বীকার করেননি। বরং নিজ মেধার উপর সম্পূর্ণ নির্ভরশীল ও চরম মুক্ত স্বভাবের অধিকারী ছিলেন। উম্মতের রাহবার আইম্মায়ে মাযহাব থেকে শুরু করে আইম্মায়ে হাদীস ও যামানার মুজাদ্দিদগণ সহ অতীতের প্রায় সকল দক্ষ উলামায়ে কেরাম তাঁর নিকটে ছিল অতি তুচ্ছ। যা তার বিভিন্ন লেখনীর মাধ্যমে প্রকাশ পেয়েছে।

এই ধরনের লোক ইসলামকে নিয়ে গবেষণা করলে পরিণতি যা হওয়ার তাই ঘটেছে। বিষয়টি মওদুদী সাহেব পর্যন্ত সীমিত থাকলে উলামায়ে কেরামের তেমন বিচলিত হওয়ার কিছু ছিল না, কিন্তু যখন তিনি নিজ গবেষণার ফসলগুলো জামায়াতে ইসলামী নামে একটি দল গঠনের মাধ্যমে উম্মতের মাঝে ছড়ানোর প্রয়াস পেলেন তখন শর'ঈ মূলনীতির আলোকে তার চিন্তাধারাকে যাঁচাই বাছাই করে উম্মতের সামনে পেশ করার জরুরী দায়িত্ব, দক্ষ ও পরিপক্ব, মুত্তাকী ও সচেতন উলামাদের যিম্মায় বর্তায়।

উপমহাদেশের খ্যাতনামা উলামাদের প্রায় সকলেই মওদুদী সাহেবের চিন্তা ধারায় যে সব মারাত্মক ভুল ভ্রান্তি স্পষ্টভাবে ধরা পড়েছে প্রথমে তা মওদুদী সাহেব ও তার প্রতিষ্ঠিত জামায়াতে ইসলামী নেতৃবর্গকে বিভিন্ন ভাবে অবহিত করে সেগুলো প্রকাশ্যে প্রত্যাহার করতে বলেছেন। কিন্তু যখন দেখা গেল মওদুদী সাহেব বা জামায়াতের নেতৃবর্গ তা প্রত্যাহার করার পরিবর্তে বাড়তি কিছু বিভ্রান্তি যোগ করে ক্রমাগত তা প্রতিষ্ঠিত করতেই চেষ্টা করেছেন। তখন মুসলিম জন সাধারণকে গোমরাহী থেকে বাঁচানোর স্বার্থে উলামায়ে কেরাম মওদুদী সাহেবের মৌলিক ভুলগুলো সুদৃঢ় প্রমাণসহ মুসলিম উম্মাহর সামনে তুলে ধরতে বাধ্য হয়েছেন, এমনকি মওদুদী সাহেবের প্রাথমিক পর্যায়ের তুলনামূলক ভ্রান্তিমুক্ত রচনা-প্রবন্ধ ইত্যাদি দেখে যেসব বিদ্বান উলামায়েকেরাম ও ইসলামী বুদ্ধিজীবীগণ জামায়াতে ইসলামীর প্রতিষ্ঠালগ্নে জনাব মওদুদী সাহেবের সঙ্গে এমনকি জামায়াতের অতি গুরুত্বপূর্ণ পদ সমূহে অধিষ্ঠিত হয়ে মওদুদী সাহেবকে খুব কাছে থেকে পর্যবেক্ষণ করেছেন। অতঃপর

মওদুদী সাহেবকে ক্রমশঃ ভুলপথে চলতে দেখে সঠিক পথে ফিরিয়ে আনতে চেষ্টা করে ব্যর্থ হয়েছেন। তাঁরাও একে একে প্রকাশ্যে ঘোষণা দিয়ে জামায়াত হতে পৃথক হয়ে গেছেন। উদাহরণতঃ জামায়াতের প্রতিষ্ঠাতা নায়েবে আমীর মাওলানা মনজুর নো' মানী, সেক্রেটারী জনাব কামরুদ্দীন (এম, এ) বেনারসী। মজলিসে শূরার অন্যতম সদস্য হাকীম আঃ রহীম আশরাফ ও মাওলানা আমীন আহসান এসলাহী, বিশ্ব বরণ্য দাঈয়ে ইসলাম মাওলানা আবুল হাসান আলী নদভী। জামায়াতের অন্যতম রুকন ও মওদুদী সাহেবের জন্য নিবেদিত প্রাণ উষ্টির এসরার আহমাদ সাহেব প্রমূখ সহ প্রথম সারীর প্রায় আরো সত্তর জন নেতৃবর্গ।

দ্রঃ মাওলানা মনজুর নো' মানী লিখিত “মওদুদী সাহেবের সাথে আমার সাহচর্যের ইতিবৃত্ত।”

যুগসেরা মুহাক্কিক উলামায়েকেরাম সঠিক বরাতে ভিত্তিতে মওদুদী সাহেবের গোমরাহ চিন্তাধারাগুলোর তাত্ত্বিক পর্যালোচনা করে অনেক বই-পুস্তক ও প্রবন্ধ লিখেছেন। তন্মধ্যে বিশেষভাবে উল্লেখযোগ্য কয়েকটির নাম যথাক্রমে-

১। মাওলানা মনজুর নো' মানীর “মাওলানা মওদুদী ছে মেরী রেফাকতকী ছার গুয়াশত” অনুবাদ “মাওলানা মওদুদীর সাথে আমার সাহচর্যের ইতিবৃত্ত”।

২। শাইখুল হাদীস যাকারিয়া রহ.- এর “ফিতনায়ে মওদুদীয়াত”।

৩। বিশ্ববরণ্য আলেম ও ইসলামী দার্শনিক জাস্টিস মুফতী, মাওলানা মুহাম্মাদ তরকী উসমানীর “হযরত মুআ' বিয়া আওর তারিখী হাক্কায়েক” বাংলা অনুবাদ “ইতিহাসের কাঠগড়ায় হযরত মুআ' বিয়া”

৪। মুজাহিদে আযম আল্লামা শামছুল হক ফরীদপুরী রহ.- এর “ভুল সংশোধন” ও

৫। হযরত মাওলানা ইউসুফ বিনুরী রহ.- এর

الاسناد المودودی وشيئ من حياذه وافكاره

ইত্যাদি।

বিস্তারিত দেখার প্রয়োজন বোধ করলে উপরোক্ত বাইণ্ডুলো দেখুন।

## মওদুদী সাহেবের কয়েকটি ভ্রান্তি ও পর্যালোচনা

(১) মওদুদী সাহেব “কুরআন কী চার বুনিয়াদী ইস্তেলাহেঁ” নামক পুস্তকে লিখেন:

الم، رب، دین، اور عبادت یہ چار لفظ قران کی اصطلاحی زبان میں بنیادی اہمیت رکھتے ہیں۔ عرب میں جب قران پیش کیا اس وقت ہر شخص جانتا تھا کہ الہ کے کیا معنی ہیں اور رب کسے کہتے ہیں..... لیکن بعد کی صدیوں میں رفتہ رفتہ ان سب کے وہ اصل معنی جو نزول قران کے وقت سسجھے جاتے تھے بدلتے چلے گئے..... محض ان چار بنیادی اصطلاحوں کے مفہوم پر پردہ پڑ جانے کی بدولت قران کی تین چوتھائی سے زیادہ تعلیم بلکہ اسکی حقیقی روح نگاہوں سے مستور ہو گئی

অর্থঃ ইলাহ, রব দ্বীন ও ইবাদত এই চারটি শব্দ কুরআনের পরিভাষায় মৌলিক গুরুত্ব রাখে, আরবে যখন কুরআন নাযিল হয় এই শব্দগুলোর মর্ম সকলেই জানত, কিন্তু পরবর্তী শতাব্দিসমূহে ক্রমে ক্রমে কুরআন নাযিলের সময়কার অর্থ নিজ ব্যাপকতা হারিয়ে একেবারে সীমিত বরং অস্পষ্ট অর্থের জন্য নির্দিষ্ট হয়ে যায়.....। আর বাস্তবে এই চারটি মৌলিক পরিভাষার অর্থে আবরণ পড়ে যাওয়ায় কুরআনের তিন চতুর্থাংশেরও বেশী শিক্ষা বরং মূল স্পীটই দৃষ্টির অগোচরে চলে যায়। (পৃষ্ঠা ৮, ৯১০)

পর্যালোচনা: বাস্তবেই ইলাহ, রব, দ্বীন ইবাদত শব্দগুলো কুরআনের মৌলিক পরিভাষার অন্তর্ভুক্ত। কুরআনের অধিকাংশ বিষয় বস্তুর সাথেই শব্দগুলোর যে কোন ভাবে সংশ্লিষ্টতা রয়েছে। শব্দগুলোর সর্হীহ মর্ম অস্পষ্ট হয়ে গেলে কুরআন বুঝা সম্ভব হবে না এবং তদনুযায়ী আমল করাও যাবে না। মওদুদী সাহেবের মতে সাহাবাদের যামানা তথা ১ম শতাব্দীর পর হতে এগুলোর সঠিক মর্ম অদৃশ্য হয়ে গেছে, সাথে সাথে কুরআনের তিন চতুর্থাংশ শিক্ষা বরং মূল স্প্রীটই পর্দার অন্তরালে চলে গেছে।

অথচ কুরআন আল্লাহ তা‘আলার সর্বশেষ কিতাব। পূর্ববর্তী সব আসমানী কিতাব এর দ্বারা রহিত হলেও পূর্ণাঙ্গ নাযিলের পর কিয়ামত অবধি এই কিতাব কোন অংশ কখনো রহিত হবে না। কিয়ামত পর্যন্ত মানুষের

পরিপূর্ণ হিদায়াতের একমাত্র মাধ্যম, এই কুরআন। সকল যুগের সর্বজনের জন্যই পথ প্রদর্শক এই কুরআন। কাজেই কিয়ামতের আগ পর্যন্ত এর শব্দাবলী ছবছ বিদ্যমান থাকা চাই। তেমনিভাবে সব সময়ের জন্য এর মর্মার্থও অবিকৃত ও সহজবোধ্য থাকা চাই। কুরআন নাযিল হওয়া থেকে শুরু করে কিয়ামত পূর্ব পর্যন্ত এর আমলী নমুনাও থাকতে হবে। অর্থাৎ কুরআনের শব্দাবলী ছবছ বিদ্যমান থাকা, এর মর্মার্থও অবিকৃত ও সহজবোধ্য থাকা, এবং এর আমলী নমুনাও থাকা একই সূত্রে গাঁথা।

শব্দ, অর্থ ও বাস্তব নমুনা কোন একটিও যদি অস্পষ্ট ও বিকৃত হয়ে যায় বা মাঝপথে তা পর্দার অন্তরালে চলে যায়। তাহলে পরবর্তীদের জন্য এ কিতাব আর হিদায়াতের কাজ দিতে পারবে না। পক্ষান্তরে এ গুলোর যথাযথ সংরক্ষণ একমাত্র আল্লাহ ছাড়া কারো পক্ষে সম্ভব নয়, কাজেই আল্লাহ তা‘আলা-ই এগুলোকে সংরক্ষণ করবেন এটাই স্বাভাবিক, তাই তো আল্লাহ তা‘আলা নিজ কালামে পাকে অত্যন্ত জোরালো ভাবে ঘোষণা করেছেন-

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

অর্থঃ নিশ্চয়ই আমিই যিকর তথা এ কুরআন নাযিল করেছি, এবং নিশ্চয়ই আমিই তা সংরক্ষণ করবো। (সূরায়ে হিজর আয়াত- ৯)

আর সংরক্ষণের আওতায় উপরোক্ত সবগুলো বিষয় शामिल থাকা জরুরী। তাইতো শ্রেষ্ঠ মুফাসসির আল্লামা আলুসী বাগদাদী “আমিই তা সংরক্ষণ করবো” এর তাফসীরে বলেন-

وَإِنَّا لَهُ لَحَافِظُونَ اى من كل ما يقدح فيه كالذحريف والزيادة والنقصان.....وقال الحسن حفظه بقاء شريعته الي يوم القيامة

অর্থঃ (এবং নিশ্চয় আমিই তা সংরক্ষণ করবো) তথা অর্থগত বিকৃতি, সংযোজন ও বিয়োজন জাতীয় সব ধরনের ত্রুটি হইতে ..... এবং হযরত হাসান বসরী রহ. বলেন কুরআনের সংরক্ষণের অর্থ কুরআনের শরী‘আত (আমল পদ্ধতি) কে কিয়ামত পর্যন্ত বাকি রাখা। (রুহুল মাআনী ১৪ পারা পৃঃ ২৪)

অপর এক আয়াতে ইরশাদ করেন-

لَا يَأْذِيهِ الْبَاطِلُ مِنْ بَيْنِ يَدَيْهِ وَلَا مِنْ خَلْفِهِ ۗ

অর্থঃ সম্মুখ কিংবা পশ্চাৎদিক হতে কোন বাতিল (বিকৃতি ও মিথ্যা) এই কিতাবে প্রবেশ করতে পারবে না। (সূরায়ে হা- মীম সিজদা আয়াত ৪২)

তেমনিভাবে আল্লাহর রাসূলও ঘোষণা করে গেছেন-

يحمل هذا العلم من كل خلف عدوله الخ

অর্থঃ এই ইলম (কুরআন ও হাদীস)কে সঠিক ভাবে ধারণ করে যাবে পরবর্তী প্রত্যেক যুগের যোগ্য বান্দারা- যারা দ্বীনের ব্যাপারে সীমালঙ্ঘন কারীদের বিকৃতি, বাতিলদের বিভ্রান্তি ও অজ্ঞদের অপব্যাখ্যা হতে কুরআনও হাদীসের ইলমকে মুক্ত রাখবে। (মিশকাত শরীফ ৩২ পৃঃ)

অপর এক হাদীসে ইরশাদ ফরমান-

لا يزال من امدى امة قائمة بامرالله لا يضرهم من خذلهم ولا من خالفهم حتى يأذى امرالله وهم علي ذلك مذفق عليه

অর্থঃ আমার উম্মাতের একটি দল সব সময়েই হকের উপর প্রতিষ্ঠিত থাকবে। কোন হয় প্রতিপন্নকারী কিংবা বিরুদ্ধাচারী তাদেরকে হক হতে বিচ্যুত করতে পারবে না। (মিশকাত শরীফ ৫৮৩ পৃঃ)

উল্লেখিত আয়াতদ্বয় ও হাদীস দু’টির দ্বারা এ কথা দিবালোকের ন্যায় স্পষ্ট যে, কুরআন পাকের শব্দ, অর্থ ও আমল পদ্ধতি সর্বদা স্বয়ং আল্লাহ তা‘আলা কর্তৃক সংরক্ষিত ছিল, আছে ও থাকবে। সেই সূত্রে উম্মাতের একটি দলকে আল্লাহ তা‘আলা সর্বদা কুরআন হাদীসের সঠিকভাবে ধারণকারী ও হকের উপর প্রতিষ্ঠিত রাখবেন।

কিন্তু উপরোক্ত আয়াত ও হাদীসগুলোর সাথে মওদুদী সাহেবের বক্তব্য সম্পূর্ণ সাংঘর্ষিক। তাছাড়া অযৌক্তিকও বটে। কারণ প্রথম শতাব্দীর পর হতে কুরআনের মৌলিক পরিভাষা সহ তিনচতুর্থাংশ শিক্ষা বরং মূল স্পীটই লোকান্তরে চলে গেলে উক্ত কুরআনের সর্বকালীন ও সার্বজনীন পূর্ণ হিদায়াতের কিতাব হওয়ার কি অর্থ থাকে?

তাছাড়া ইলাহ, রব এ শব্দগুলোর সাথে মানুষের ঈমানের সম্পর্ক। যদি ইলাহের অর্থই অস্পষ্ট থাকে বা বিকৃত থাকে তবে মানুষ لا اله الا الله لا اله الا الله পড়ে ঈমান আনবে কি করে? তেমনি ভাবে ১ম শতাব্দীর পর হতে এ



বরং গভীর দৃষ্টিতে অধ্যয়ন করলে এসবের জন্য একজন প্রফেসরও যথেষ্ট।

অথচ সর্বজনবিদিত যে, কুরআনের প্রথম ব্যাখ্যাকার হলেন স্বয়ং রাসূলে আকরাম সাল্লাল্লাহু ‘আলাইহি ওয়াসাল্লাম। আর তাঁর ব্যাখ্যার নামই হল হাদীস। রাসূলের হাদীসের আলোকে ও কুরআন নাযিলের প্রত্যক্ষদর্শী হিসাবে দ্বিতীয় ব্যাখ্যাকার হলেন জামা‘আতে সাহাবা। এই ব্যাখ্যার নাম হল আ- সা- রে সাহাবা। প্রয়োজনীয় সকল জ্ঞানে সর্বোচ্চ পারদর্শী আইম্মায়ে কেলামগণ, হাদীস ও আসারে সাহাবার আলোকে, কুরআনের তাফসীর ও ইসলামী আইনের ব্যাখ্যা বিশ্লেষণ করে গেছেন, যা নিশ্চিত সূত্র পরস্পরায় আজো উম্মতের নিকট হুবহু সংরক্ষিত। পরবর্তীতে বিদ্বন্ধ উলামাগণ সময় ও প্রেক্ষাপটভেদে, সেই পুরাতন ভাণ্ডারেরই যুগপোয়ুগী বিশ্লেষণ করেছেন। গ্রহণযোগ্য বরাতে হাদীস ও আছারে সাহাবা এবং উৎসদ্বয়ের আলোকে কৃত তাফসীরের সাথে সাংঘর্ষিত কোন তাফসীর যেমন তারা নিজেরা করেননি, তেমনি কেউ করে থাকলে তাকে বাতিল বলে বর্জন করেছেন। এটাই মূলতঃ সঠিক ও নিরাপদ রাস্তা। এ রাস্তার কোন বিকল্প নাই। কারণ হাদীস ও আছারে সাহাবার ভাণ্ডার পুরাতন হয়ে গেছে। সেগুলোর আলোকে কৃত তাফসীরও পুরাতন। নতুন হয়ে আবির্ভূত হওয়ার কোনো সম্ভাবনা নাই। এখন যদি সেগুলো হতে বিমুখ হয়ে কোন তাফসীর, সুন্নাত বা আইন আবিষ্কার করা হয়, তাহলে সেটা হবে মনগড়া, যার পরিণতি নিশ্চিত গোমরাহী। বিশ্বাস না হলে খুলে দেখুন, গোলাম আহমাদ কাদিয়ানী ও সৈয়দ- আহমাদ খানের তাফসীরের কিতাবগুলো।

এমন গোমরাহী হতে উম্মতকে বাঁচানোর জন্যই আল্লাহর রাসূল অত্যন্ত স্পষ্ট ও কঠোর ভাষায় বলে গেছেনঃ

من قال في القرآن برأيه فليذبوا مقعده من النار

অর্থঃ যে ব্যক্তি কুরআনের মনগড়া ব্যাখ্যা করবে, সে যেন নিজ ঠিকানা জাহান্নামে বানিয়ে নেয়। তিরমিযী ২:১২৩ ও মিশকাত শরীফ ৩৫ পৃঃ

অপর হাদীসে ইরশাদ হচ্ছে –

من قال في القرآن برأيه فاصاب فقد اخطأ

অর্থঃ যে ব্যক্তি কুরআনের মনগড়া ব্যাখ্যা করবে, সে (ঘটনাক্রমে) সঠিক ব্যাখ্যা করলেও তা ভুল গণ্য হবে। তিরমিযী ২:১২৩ ও মিশকাত শরীফ ৩৫ পৃঃ

মোটকথা হাদীস ও আসারে সাহাবার সেই পুরানো ভাণ্ডার বাদ দিয়ে মনগড়া তাফসীর, গোমরাহীর মোক্ষম হাতিয়ার; যার কারণে এর পরিণতি জাহান্নাম এবং এমন তাফসীর সর্বাংশেই ভুল গণ্য হবে। হাদীসের আলোকে এমন তাফসীরের মোটেও অনুমতি নাই। এক্ষেত্রে মওদুদী সাহেবের পূর্বোক্ত দুইটি বক্তব্যই সরাসরি হাদীস পরিপন্থী।

তাছাড়া মওদুদী সাহেবের বক্তব্য পরস্পরে বিরোধীও বটে। কারণ কুরআনের চারটি মৌলিক পরিভাষা নামক পুস্তকের বক্তব্য অনুসারে সাহাবায়ে কেরামের পরবর্তী যুগে কুরআনের তিন চতুর্থাংশের শিক্ষায় পর্দা পড়ে গেছে অর্থাৎ তাঁর মতে আইম্মায়ে মুজতাহেদীন, মুফাচ্ছেরীন ও মুহাদ্দেসীনদের মত যুগশ্রেষ্ঠ মহা মনীষীগণের দ্বারাও কুরআনের এক চতুর্থাংশের বেশী সঠিক শিক্ষা উদঘাটন করা সম্ভব হয়নি। যদি তাই বাস্তব হয়ে থাকে, তাহলে তেরশত বছর পর কি করে মওদুদী সাহেবের মত একজন অপূর্ণ শিক্ষিতের জন্য তাফসীর ও কুরআনের শিক্ষা উদঘাটন এত সহজ হয়ে গেল? কিভাবে তিনি একজন প্রফেসরের জন্য তাফসীরের সনদবিতরণ করতে সক্ষম হন? তার উপরে আবার হাদীস ও পূর্বের তাফসীরের ভাণ্ডারকে বাদ দিয়ে।

সারকথা, তানকীহাতে উদ্ধৃত মওদুদী সাহেবের কথা দু' টি শরী'আত ও বিবেক বিরোধী। স্বয়ং তারই অপর বক্তব্যের পরিপন্থী। অথচ তিনি তার তাফসীর গ্রন্থে তানকীহাতে উদ্ধৃত বক্তব্যকেই প্রতিষ্ঠিত করে গেছেন। যথাঃ মওদুদী সাহেব তাঁর তাফসীরের ভূমিকার পূর্বে “প্রসঙ্গ কথায়” লিখেছেন যে, আমি “তাফহীমুল কুরআনে” কুরআনের শব্দাবলীকে উর্দূর লেবাস পরানোর পরিবর্তে এই চেষ্টাই করেছি যে, কুরআনের বাক্য সমূহ পড়ে যে অর্থ আমার বুঝে এসেছে এবং উক্ত আয়াত সম্পর্কে আমার মনে যে প্রভাব পড়েছে, যথাসাধ্য সঠিক ভাবে উহাকে নিজ ভাষায় ব্যক্ত করে দেই। (তাফহীমুল কুরআন উর্দূ পৃঃ ১০ ১ম খণ্ড)

কথাটির ব্যাপারে চিন্তা করে দেখুন! আয়াতের সম্পর্কে রাসূল সাল্লাল্লাহু 'আলাইহি ওয়া সাল্লাম কি বলেছেন, সাহাবাগণ কি বলেছেন,



অর্থঃ ইসলামের মূল উদ্দেশ্য সংক্ষিপ্ত কথায় মানুষের উপর মানুষের শাসন মিটিয়ে এক খোদার শাসন কায়েম করা। এর জন্য মস্তক-মেরুদণ্ডের বাজি লাগিয়ে আপ্রাণ চেষ্টার নাম জিহাদ। নামায, রোযা, হজ্ব, যাকাত এসব সে উদ্দেশ্যেরই প্রস্তুতির জন্য ..... ইবাদাত একটি ট্রেনিং কোর্স। নামায, রোযা, যাকাত ও হজ্ব মূলতঃ তারই প্রস্তুতি ও ট্রেনিংয়ের জন্য। খুতবাত ৩০৭ ও ৩১৫ পৃঃ

ঘ আরেকটি বক্তব্যঃ

حکومت کے بغیر دین بالکل ایسا ہے جیسے ایک عمارت کا نقشہ آپ کے دماغ میں ہو مگر عمارت زمین پر موجود نہ ہو، ایسے دماغی نقشے کے ہونے کا فائدہ ہی کیا ہے؟

অর্থঃ রাষ্ট্র ছাড়া দ্বীন অবিকল একটি বিল্ডিংয়ের কাল্পনিক চিত্র, ভূ-পৃষ্ঠে যার অস্তিত্ব নাই। এমন কাল্পনিক চিত্রের ফায়দাটাই বা কি? -  
খুতবাত ৩২২ পৃঃ

ঙ আরো একটি বক্তব্যঃ

لیکن حقیقت یہ ہے کہ اسلام کسی مذہب کا اور مسلمان کسی قوم کا نام نہیں ہے۔ بلکہ دراصل ایک انقلابی نظریہ و مسلک ہے۔

অর্থঃ বাস্তব কথা হল ইসলাম কোন ধর্মের নাম নয় এবং মুসলমান কোন জাতির নাম নয়। বরং মূলতঃ ইসলাম একটি বিপ্লবী চিন্তাধারা ও পদ্ধতি এবং মুসলমান সেই আন্তর্জাতিক বিপ্লবী বাহিনীর নাম। তাফহীমাত ১ম খ- ৭৭ পৃঃ

সার সংক্ষেপঃ

মওদুদী সাহেবের মতে-

(ক) দ্বীন মূলতঃ রাষ্ট্রের নাম।

(খ) রাষ্ট্র ছাড়া দ্বীন অস্তিত্বহীন কাল্পনিক চিত্রের ন্যয় নিরর্থক।

(গ) ইসলাম একটি বিপ্লবী চিন্তাধারার নাম।

(ঘ) ইসলামী রাষ্ট্র ছাড়া নামায, রোযা, হজ্ব, যাকাতকে ইবাদত মনে করা মারাত্মক ভুল। বরং নামায, রোযা, হজ্ব, যাকাত ইত্যাদি জিহাদ ও রাষ্ট্র কায়েমের জন্য ট্রেনিং কোর্স মাত্র।

পর্যালোচনাঃ মওদুদী সাহেব দ্বীনের যে ব্যাখ্যা করেছেন তা মূলতঃ দ্বীনের রাজনৈতিক ব্যাখ্যা। শরঈ ব্যাখ্যা আদৌ নয়। কারণ আল্লাহ পাক স্বীয় কালামে পাকে ইরশাদ করেন-

إِنَّ الدِّينَ عِنْدَ اللَّهِ الْإِسْلَامُ ۗ [آل عمران: ১৯]

অর্থঃ ইসলাম আল্লাহর নিকট একমাত্র দ্বীন। সূরায়ে আলে ইমরান আয়াত- ১৯ (অনুবাদ তাফহীমুল কুরআন বাংলা)

উক্ত আয়াতে স্পষ্টভাবে বুঝা গেল আল্লাহর নিকট একমাত্র দ্বীন হচ্ছে ইসলাম। এবার দেখুন ইসলাম কি জিনিস। এ ব্যাপারে আল্লাহর রাসূল কি বলেছেন, বুখারী মুসলিম শরীফে সর্বসম্মত সহীহ হাদীসে বর্ণিত হয়েছে, একদা হযরত রাসূলে আকরাম সাল্লাল্লাহু ‘আলাইহি ওয়াসাল্লাম সাহাবাদের মাঝে উপবিষ্ট ছিলেন, এমন সময় হযরত জিবরাঈল আ. এক অপরিচিত লোকের আকৃতি ধারণ করে রাসূল সাল্লাল্লাহু ‘আলাইহি ওয়াসাল্লাম এর নিকট এসে রাসূলের হাঁটুর সাথে হাঁটু মিলিয়ে বসে কয়েকটি প্রশ্ন করেন। প্রথম প্রশ্নটি ছিল এরূপঃ হে মুহাম্মাদ সাল্লাল্লাহু ‘আলাইহি ওয়াসাল্লাম! আমাকে ইসলামের ব্যাখ্যা বলুন, তদুত্তরে রাসূল বললেনঃ ইসলাম হল- তুমি এ মর্মে সাক্ষ্য দিবে যে, আল্লাহ ছাড়া কোনো ইলাহ নাই এবং মুহাম্মাদ আল্লাহর রাসূল। এবং তুমি নামায কয়েম করবে, যাকাত আদায় করবে। রমযানে রোযা রাখবে ও বাইতুল্লাহ পর্যন্ত পৌঁছার সামর্থ্য হলে হজ্ব আদায় করবে। এ উত্তর শুনে জিবরাঈল আ. বললেন, আপনি সঠিক বলেছেন। বুখারী, মুসলিম সূত্রে মিশকাত শরীফের কিতাবুল ঈমানের প্রথম হাদীস। হাদীসটি হাদীসে জিবরাঈল নামে প্রসিদ্ধ।

মোটকথা আল্লাহপাক বললেন যে, তাঁর নিকট একমাত্র দ্বীন হচ্ছে ইসলাম আর রাসূল বললেন, আল্লাহকে একমাত্র ইলাহ ও মুহাম্মাদকে তাঁর রাসূল বলে সাক্ষ্য দেওয়া, নামায পড়া, যাকাত দেওয়া, রোযা রাখা ও হজ্ব করা হচ্ছে ইসলাম, জিবরাঈল তা সত্যায়ন করলেন, তাহলে আল্লাহ ও তাঁর রাসূল এবং ওহীর বাহক জিবরাঈলের মতে দ্বীন হচ্ছে- ঈমান, নামায, রোযা, হজ্ব, যাকাত। এ কারণে মুসলিম উম্মাহর আকীদাও তাই। অথচ মওদুদী সাহেব বললেন, এগুলো দ্বীন নয়। দ্বীন হচ্ছে “রাষ্ট্র ও জিহাদ” আর রাষ্ট্র অর্জনের ট্রেনিং হল- নামায,

রোযা, হজ্ব, যাকাত। রাষ্ট্র ছাড়া এসব ইবাদাতও নিরর্থক ও অস্তিত্ববিহীন কাল্পনিক নকশা।

আল্লাহর ও তাঁর রাসূল সাল্লাল্লাহু ‘আলাইহি ওয়া সাল্লাম এবং জিবরাঈল আ.- এর বর্ণনার বিপরীতে দ্বীনের এহেন ব্যাপারকে যদি অপব্যখ্যা না বলা যায় তাহলে অপব্যখ্যা আর কোন বস্তুকে বলবে?

বস্তুতঃ কুরআনের বহু আয়াত এবং রাসূলে আকরাম সাল্লাল্লাহু ‘আলাইহি ওয়াসাল্লাম- এর বহু হাদীসের দ্বারা একথা একদম পরিষ্কার যে দ্বীনের মূল বিষয় ঈমান, নামায, রোযা, হজ্ব ও যাকাত। বান্দার পক্ষ থেকে আল্লাহ তা‘আলার মূল চাওয়া এগুলোই। আরো কিছু ইবাদাত আছে, তবে সেগুলো প্রাসঙ্গিক বা সম্পূরক। তাছাড়া বান্দাদের পরস্পরে চলতে গেলে পারিবারিক বিষয়, সামাজিকতা- জাতীয়তা ও লেন- দেনের প্রসঙ্গ আসে। সেগুলোও যেন খোদার মজীতে হয়ে বান্দা আরামে জীবন- যাপন করতে পারে এজন্য মু‘আমালাত, মু‘আশারাত, আখলাক ও সিয়াসাত বা হুকুমত তথা শাসন বিষয়ক বিধি- বিধান দেওয়া হয়েছে। আর মূল ইবাদত সহ অন্যান্য বিধি বিধান সুচারু রূপে আঞ্জাম দেওয়ার দ্বারা বান্দা হবে ভূ- পৃষ্ঠে আল্লাহর খলীফা তথা প্রতিনিধি। এ প্রতিনিধিত্ব যে মানবে না বা এতে যে বাধা দিবে তার বিরুদ্ধে মুসলমান জিহাদ করবে। এক কথায় ঈমান ও মৌলিক ইবাদাত তথা নামায রোযা, যাকাত, হজ্ব, এগুলোই দ্বীনের মূল ও কাণ্ড। আর জিহাদ- সিয়াসাত সহ অন্য সব বিধি- বিধান হল নিজ নিজ পজিশনভেদে শাখা- প্রশাখা। এ- কারণেই রাসূল সাল্লাল্লাহু ‘আলাইহি ওয়া সাল্লাম পরিষ্কার ভাবে ঘোষণা করে গেছেন।

عن ابن عمر رضي الله عنهما قال: قال رسول الله صلى الله عليه و سلم (بني الإسلام على خمس شهادة أن لا إله إلا الله وأن محمدا رسول الله وإقامة الصلاة وإيتاء الزكاة والحج وصوم رمضان) رواه البخارى في صحيحه برقم: ٨, ومسلم برقم: ١٢٢

অর্থঃ ইসলাম তথা দ্বীনের ভিত্তি পাঁচটি জিনিসের উপরঃ একমাত্র আল্লাহকে ইলাহ ও মুহাম্মাদ সাল্লাল্লাহু ‘আলাইহি ওয়াসাল্লামকে তাঁর রাসূল বলে সাক্ষ্য দেওয়া- নামায কায়েম করা, যাকাত দেওয়া, হজ্ব করা; ও রমাযানের রোযা রাখা। (বুখারী ও মুসলিম সূত্র মিশকাত পৃঃ ১২)

কিন্তু মওদুদী সাহেব রাসূলের এ ঘোষণার বিপরীতে হুকুমাত তথা রাষ্ট্র ব্যবস্থা ও জিহাদকে মূল দ্বীন আর নামায, রোযা, যাকাত, হজ্জকে তার ট্রেনিং বলার মাধ্যমে শাখা-প্রশাখাকে মূল ও কাণ্ড, আর মূল ও কাণ্ডকে শাখা-প্রশাখা বানিয়ে দিলেন, যাতে রয়েছে আক্বীদার খারাবীসহ আরো বহুবিধ খারাবী, যা বিবেকবান মাত্রই বুঝতে পারছেন।

## (৪) জনাব মওদুদী সাহেবের একটি মৌলিক থিওরি তিনি এভাবে প্রকাশ করেন

رسول خدا کے سوا کسی انسان کو معیار حق نہ بنائے، کسی کو تنقید سے بالاتر نہ سمجھے، کسی کی ذہنی غلامی میں مبتلاء نہ ہو۔

অর্থঃ রাসূলে খোদা ছাড়া অন্য কাউকে সত্যের মাপকাঠি বানাবে না। কাউকে সমালোচনার উর্ধ্ব মনে করবে না। কারো মানুষিক গোলামীতে লিপ্ত হবে না। (দস্তুরে জামাআতে ইসলামী পৃঃ ১৪, সত্যের আলো পৃঃ ৩০)

এই থিওরির উপর ভিত্তি করে তিনি অন্যত্র লিখেনঃ

میں نے دین کو حال یا ماضی کے اشخاص سے سمجھنے کی بجائے ہمیشہ قرآن و سنت ہی سے سمجھنے کی کوشش کی ہے۔

অর্থঃ আমি অতীত বা বর্তমান ব্যক্তিবর্গের নিকট হতে দ্বীন বুঝার পরিবর্তে সর্বদা কুরআন সুন্নাহ থেকেই বুঝতে চেষ্টা করেছি। এ কারণে, খোদার দ্বীন, আমার ও প্রত্যেক মুমীনের নিকট কি চায়, তা জানার জন্য এটা দেখতে চেষ্টা করিনি যে, অমুক- অমুক বুজুর্গ কি বলেন। বরং সর্বদা এটাই দেখতে চেষ্টা করেছি যে, কুরআন কি বলে ও রাসূল সাল্লাল্লাহু ‘আলাইহি ওয়াসাল্লাম কি বলেছেন। রুয়েদাদে জামা‘আত তৃতীয় খণ্ড পৃঃ ৩৭ সূত্র মওদুদী সাহেব আওর উনকী তাহরীরাত পৃঃ ৯০ প্রকাশঃ দারুল ইশাআত - করাচী।

সারকথা মওদুদী সাহেবের মতে সত্যকে জানার ও অনুসরণের জন্য রাসূল সাল্লাল্লাহু ‘আলাইহি ওয়াসাল্লাম এর পর আর কোন নির্ভরযোগ্য মাধ্যম নাই। এই থিওরির অন্তরালে তিনি কুরআন ও হাদীস থেকে দ্বীনকে বুঝার ও অনুসরণের ক্ষেত্রে সাহাবায়ে কেরামের প্রয়োজনীয়তা অস্বীকার করেছেন।

এছাড়া সাহাবায়ে কেরামের জীবনে বিভিন্ন ভাবে কালিমা লেপনের জন্য তিনি “খেলাফত ও মুলুকিয়্যাত” নামে স্বতন্ত্র কিতাবও লিখেছেন। সবগুলোরই সারকথা হল যে, সত্যকে জানা ও মানার জন্য সাহাবাদের জামা'আত নির্ভরযোগ্য নয়, বরং জামা'আতে সাহাবার উপর নির্ভর করা যাবে না। তাঁদের অনেকেই পাপী ছিলেন এজন্য তাঁরা পরবর্তীদের যাচাই বাছাইয়ের উর্ধে নন।

অথচ ইসলামে রয়েছে পূর্ণাঙ্গ জীবন বিধান, ব্যক্তি, পরিবার, সমাজ, রাষ্ট্র সব ক্ষেত্রেই তার ব্যাপ্তি, এসব ক্ষেত্রে আল্লাহ ও তাঁর রাসূল শুধু বিধান শুনিয়ে ক্ষান্ত হননি বরং বিধান সমূহ কার্যকর করে দুনিয়ার সামনে তার আমলী নমুনা রেখে গেছেন। আর আল্লাহ ও তার রাসূলের বিধানাবলীর কার্যক্ষেত্রেই ছিল যে পরিবার, যে সমাজ, যে রাষ্ট্র তার নাম জামা'আতে সাহাবা। শুধু বিধান বলে গেলে কার্যক্ষেত্রে তার রূপরেখাকে বিকৃত করে ফেলত পরবর্তী যুগের বক্র স্বভাবের লোকেরা। তার থেকে হেফাজতের জন্যই প্রয়োজন ছিল উক্ত জামা'আতের। আর যেহেতু আল্লাহ ও তাঁর রাসূলের বিধানাবলীর প্রাকটিক্যাল রূপই হচ্ছে সাহাবায়েকেরামের জীবনী, তাই মূল বিধানাবলীর অনুসরণের ক্ষেত্রে তাদের জীবনও হবে মাপকাঠি। এটাই স্বাভাবিক। এই কারণে কুরআনের বিভিন্ন আয়াতে সাহাবায়ে কেরামের ঈমান, আমল ও ইলমকে অন্যদের জন্য অনুসরণীয় হিসাবে বর্ণনা করা হয়েছে যথাঃ আল্লাহ পাক ইরশাদ করেনঃ

فَإِنْ آمَنُوا بِمِثْلِ مَا آمَنْتُمْ بِهِ فَقَدِ اهْتَدَوْا ۗ وَإِنْ تَوَلَّوْا فَإِنَّمَا هُمْ فِي شِقَاقٍ فَسَيَكْفِيكَهُمُ اللَّهُ ۗ وَهُوَ السَّمِيعُ الْعَلِيمُ

অর্থঃ (সাহাবাদের লক্ষ্য করে বলা হচ্ছে) তারা যদি তোমাদের মত ঈমান আনয়ন করে তাহলে হেদায়াত পাবে আর যদি মুখ ফিরিয়ে নেয় তবে তারাই হঠকারিতায় রয়েছে। সূরায় বাকারা আয়াত ১৩৭

অন্যত্র ইরশাদ করেনঃ

وَمَنْ يُشَاقِقِ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّبِعْ غَيْرَ سَبِيلِ الْمُؤْمِنِينَ نُوَلِّهِ مَا تَوَلَّىٰ وَنُصَلِّهِ جَهَنَّمَ ۗ وَسَاءَتْ مَصِيرًا

অর্থঃ আর যে সরল পথ প্রকাশিত হওয়ার পরও রাসূলের বিরুদ্ধাচরণ করে এবং মুমীনদের অনুসৃত পথের বিরুদ্ধে চলে আমি তাকে সেদিকেই ফিরাব এবং তাকে জাহান্নামে নিক্ষেপ করব। আর তা হল নিকৃষ্ট গন্তব্যস্থান। (সূরায়ে নিসা - আয়াত ১১৫)

এই আয়াতে মুমীনদের পথ বলতে প্রথমতঃ যারা উদ্দেশ্য তারা হলেন জামা'আতে সাহাবা।

অন্য আয়াতে কুরআনে পাক প্রসঙ্গে আল্লাহ তা'আলা ইরশাদ করেন-

بَلْ هُوَ الْاَيْتُ بَيِّنَاتٍ فِي صُدُورِ الَّذِينَ اُوْتُوا الْعِلْمَ وَمَا يَجْحَدُ بِآيَاتِنَا اِلَّا الظَّالِمُونَ

অর্থঃ বরং যাদেরকে জ্ঞান দেওয়া হয়েছে, তাদের অন্তরে ইহা তো স্পষ্ট আয়াত। সূরায়ে আনকাবূত ৪৯।

এই আয়াতেও যাদেরকে জ্ঞান দেওয়া হয়েছে তাদের দ্বারা প্রথম উদ্দেশ্য সাহাবায়েকেরাম।

পক্ষান্তরে রাসূলে আকরাম সাল্লাল্লাহু 'আলাইহি ওয়া সাল্লাম ও বিভিন্ন হাদীসে সাহাবায়েকেরামের অনুসরণের তাকীদ করেছেন যথাঃ -

قال رسول الله صلى الله عليه وسلم سذفدزق امدى ثلاثا وسبعين فرقة كلهم فى النار الا واحدة ، قالوا من هى يا رسول الله قال ما انا عليه واصحابى -

অর্থঃ অতিশীঘ্র আমার উম্মত তেহত্তর ফেরকায় বিভক্ত হয়ে পড়বে তন্মধ্যে একটি জামা'আত হবে জান্নাতী আর বাকীগুলো হবে জাহান্নামী। উপস্থিত সাহাবারা জিজ্ঞাসা করলেন, হে আল্লাহর রাসূল! জান্নাতী দল কারা হবে? উত্তরে রাসূল সাল্লাল্লাহু 'আলাইহি ওয়া সাল্লাম বললেন, যারা আমার ও আমার সাহাবাদের তরীকার অনুসারী হবে। (তিরমিযী শরীফ ২য় খণ্ড পৃঃ ৯৩)

অন্য হাদীসে ইরশাদ ফরমানঃ

فعلىكم بسندى وسندى الخلفاء الراشدين

অর্থঃ (উম্মতকে লক্ষ্য করে রাসূল সাল্লাল্লাহু 'আলাইহি ওয়া সাল্লাম বলছেন) তখন তোমাদের জন্য আমার ও খুলাফায়ে রাশেদীনের তরীকা মত চলা অত্যাৱশ্যক। (আবু দাউদ শরীফ ২- ৬৩৫)

এছাড়াও কুরআনের বহু আয়াত ও রাসূলের বহু হাদীস দ্বারা এ কথা সুস্পষ্ট ভাবে প্রমাণিত যে, কুরআন- হাদীস মুতাবিক ইলম ও আমলের ক্ষেত্রে সাহাবায়েরামের অনুসরণ জরুরী। এক্ষেত্রে সাহাবাদের পথ ও মতকে বর্জন করে কুরআন হাদীসের জ্ঞানার্জন ও তদানুযায়ী আমল সম্ভব নয়। লক্ষ্যধিক সাহাবীর মধ্যে সবাই অনুসরণযোগ্য। কুরআন হাদীসের কোথাও এ ক্ষেত্রে কোন সাহাবীকে বাদ দেওয়া হয় নাই। কোন সাহাবীর দ্বারা কখনো গুনাহ হয়ে গেলে তাও হয়েছে গুনাহের পরে তাওয়ার পদ্ধতির ক্ষেত্রে উম্মতের অনুসরণযোগ্য হওয়ার জন্যই। দ্বিতীয়তঃ নবী সাল্লাল্লাহু ‘আলাইহি ওয়াসাল্লাম যেহেতু সবকিছু বাস্তব নমুনা হিসাবে দেখিয়ে গেছেন তাই ইসলামী দণ্ডবিধির বাস্তব প্রয়োগবিধি শিক্ষা দেয়ার লক্ষ্যে দু’একজন সাহাবী থেকে ভুল প্রকাশ পেয়েছে। একারণেই রাসূলে খোদা সাল্লাল্লাহু ‘আলাইহি ওয়াসাল্লাম ইরশাদ করেছেনঃ

قال رسول الله صلى الله عليه وسلم أوحى الله يا محمد ان اصحابك عندى كالنجوم بعضها  
 اضاء من بعض ولكل نور فمن اخذ بشي مماهم عليه من اخذلافهم فهو عندى علي الهدى -  
 رواه الدارقطني -

অর্থঃ রাসূলুল্লাহ সাল্লাল্লাহু ‘আলাইহি ওয়া সাল্লাম ইরশাদ করেন, আল্লাহ অহী পাঠিয়েছেন যে, হে মুহাম্মাদ! আপনার সাহাবীগণ আমার নিকট নক্ষত্রতুল্য, কেউ অতি উজ্জল, কেউ তার চেয়ে কম, তবে সকলেরই আলো আছে। অতএব, তাদের মতবিরোধের ক্ষেত্রেও যে কোন এক পক্ষকে অনুসরণ করলেই সে অনুসারী আমার নিকট হেদায়াত প্রাপ্ত বলে গণ্য হবে।

( কেননা, তাদের বিরোধ হবে ইজতেহাদী, আর সঠিক ইজতেহাদের কোন অংশকেই নিশ্চিত ভুল বলা যাবে না) হাদীসটির সনদে দুর্বলতা থাকলেও এমর্মে আরো অনেক হাদীস থাকায় এবং হাদীসটি বিষয় বস্তু কুরআনের বিভিন্ন আয়াত ও অপরাপর হাদীস সমর্থিত হওয়ায় হাদীসটি সম্পূর্ণ গ্রহণযোগ্য (অবশ্য কারো মতে কুরআন- হাদীসের সমর্থন গ্রহণযোগ্য না হয়ে নিজের মনের সমর্থন গ্রহণ যোগ্য হলে তা ভিন্ন কথা) তাফসীরে মাযহরী ২য় খণ্ড পৃঃ ১১৬

মোটকথা সাহাবায়েকেরামের সত্যের মাপকাঠি হওয়ার বিষয়টি কুরআন-হাদীস দ্বারা প্রমাণিত, সাথে সাথে যুক্তি সংগতও। অথচ মওদুদী সাহেব তাঁর দলের জন্য আইন প্রণয়ন করে গেলেন যে, রাসূলে খোদা ছাড়া আর কাউকে যেন সত্যের মাপকাঠি না বানানো হয়। কি দোষ করেছেন হযরত আবু বকর রা. ও উমর রা., যাদেরকে সত্যের মাপকাঠি বানানো যাবে না। হযরত উমর বিন আব্দুল আযীয রহ. এর রাষ্ট্র ব্যবস্থা, মুজাদ্দিদে আলফেসানী রহ. এর সংস্কার, আইম্মায়ে মুজতাহেদীনের ইজতেহাদ, হযরত আবদুল কাদের জিলানী রহ. এর তায়কিয়া ও মা'রিফাতকে অনুসরণ করে যদি কোটি কোটি মানুষ হিদায়াতের ও নাজাতের আশা করতে পারে তাহলে রাসূলে আকরামের মত পরশ পাথরের ছোয়ায় ধন্য ও তার হাতে গড়া জামা'আতের জীবনী, কথা ও কাজ, কেন অনুসরণযোগ্য হবে না?

বস্তুতঃ রাসূল ছিলেন দ্বীন নামক দুর্গের নির্মাতা। সাহাবায়েকেরাম ছিলেন সে দুর্গের সুদৃঢ় প্রাচীর। তাদের উপর নির্ভর না করা হলে দ্বীনের ধ্বংস অনিবার্য। ইসলামের অতীত ইতিহাসের গোমরাহ দলগুলো সর্বদা এই প্রাচীরকেই ধ্বংস করতে চেষ্টা করেছে।

তাছাড়া মওদুদী সাহেব শুধু সাহাবাগণকে সত্যের মাপকাঠি স্বীকার করেননি তা নয় বরং বিভিন্নভাবে সাহাবায়েকেরামের কুৎসা রটিয়েছেন। সে সূত্রে তিনি বলেনঃ

بسا اوقات صحابه پر بھی بشری کمزوریوں کا غلبہ ہو جاتا تھا

অর্থঃ সাহাবাদের উপর প্রায়ই মানবিক দুর্বলতা প্রভাব বিস্তার করত।  
- তাফহীমাত ৪র্থ সংস্করণ পৃঃ ২৯৬ সূত্রঃ মওদুদী সাহেব আওর উনকী তাহরীরাত ৮৫

তাছাড়া উহুদ যুদ্ধে মুসলমানদের পরাজয়ের (মওদুদীর ভাষায়) বড় বড় কারণ বর্ণনা করতে গিয়ে জনাব মওদুদী লিখেনঃ যে সমাজে সুদের প্রচলন থাকে সেখানে সুদখোরের কারণে দুই ধরনের নৈতিক রোগ দেখা দেয়। সুদ গ্রহণকারীর মধ্যে লোভ-লালসা, কৃপণতা ও স্বার্থান্ধতা এবং সুদ প্রদানকারীদের মধ্যে ঘৃণা-ক্রোধ, হিংসা ও বিদ্বেষ জন্ম নেয়। উহুদের পরাজয় এ দুই ধরনের রোগের কিছু না কিছু অংশ ছিল।

( তাফহীমুল কুরআন বাংলা ৪র্থ পারা ২য় খণ্ড ৬৫ পৃঃ আধুনিক প্রকাশনী ৩য় সংস্করণ।)

চিন্তা করে দেখুন! উদ্ধৃত প্রথম বক্তব্য দ্বারা যে মানবিক দুর্বলতার কথা বলেছেন, তারই সম্ভবতঃ কিছুটা ব্যাখ্যা করেছেন উহ্দের ঘটনায় গিয়ে। অর্থাৎ মানবিক দুর্বলতাগুলো ছিলঃ লোভ- লালসা, হিংসা- বিদ্বেষ, কৃপণতা ও ঘৃণা ইত্যাদি। অথচ উহ্দের যুদ্ধে যারা শরীক ছিলেন, তারা সকলেই ছিলেন নবীজীর প্রথম সারির সাহাবা। আল্লাহ তা‘আলা তাদের প্রশংসায় কত আয়াত নাযিল করেছেন। কিন্তু মওদুদী সাহেব নির্দিধায় পাইকারী হারে তাদের দোষচর্চা করে গেলেন। শুধু তাই নয় আশারায় মুবাশশারাহ (জান্নাতের সুসংবাদ প্রাপ্ত দশজন) থেকে শুরু করে কাতেবে ওহী পর্যন্ত অনেকেই রেহাই পাননি মওদুদী সাহেবের কলমের আক্রমণ থেকে। যার জ্বলন্ত প্রমাণ পাবেন মওদুদী সাহেবের লিখিত “খেলাফত মূলুকিয়াত” ও তার পাশাপাশি জাষ্টিস তক্বী উসমানীর লিখা “ইতিহাসের কাঠগড়ায় হযরত মুআবিয়” এবং হযরত শামছুল হক ফরিদপুরী রহ. এর লেখা “ভুল সংশোধ” পড়ে দেখলে।

এসবের দ্বারা তিনি যেমন সাহাবাদের পবিত্র জামা‘আতকে উম্মতের সামনে কলঙ্কিত করতে চেয়েছেন। অপরদিকে রাসূলের হাতে গড়া স্বর্ণমানবদের দল, সাহাবাদেরকে কলঙ্কিত করে স্বয়ং রাসূলকেও চরম ব্যর্থ প্রমাণ করতে প্রয়াস পেয়েছেন। কেননা, কিয়ামত পর্যন্ত আগত মানুষের জন্য রুহানী চিকিৎসক যদি বছরকে বছর তার সংস্পর্শে থাকা রোগীদেরকেই পূর্ণ চিকিৎসা করতে না পারেন বরং তার সংস্পর্শীদের মাঝে “প্রায়ই সে রোগগুলো প্রভাব বিস্তার করে থাকে”। তাহলে এমন চিকিৎসককে সফল কে বলবে ?

অথচ স্বয়ং রাসূলে কারীম সাল্লাল্লাহু ‘আলাইহি ওয়াসাল্লাম তাঁর সাহাবাদের সম্পর্কে কটুক্তি কিংবা সমালোচনা করতে উম্মতকে বার বার এবং কঠোর ভাষায় নিষেধ করে গেছেন। এ ব্যাপারে কয়েকটি হাদীস নিম্নে প্রদত্ত হল-

قال رسول الله صلى الله عليه وسلم لا ذسبوا اصحابي فان احدكم لو اتفق مثل احد ذهبا ما

بلغ مد احدهم ولا نصيفه -

অর্থঃ রাসূল সাল্লাল্লাহু ‘আলাইহি ওয়াসাল্লাম উম্মতকে লক্ষ্য করে ইরশাদ করেন, তোমরা আমার সাহাবাদের মন্দ বলবেনা কেননা তোমাদের কেউ উহুদ পাহাড়সম স্বর্ণ সদকা করলেও তাদের একসের বা আধাসেরের সমান হবে না। বুখারী মুসলিম - সূত্রঃমিশকাত পৃঃ ৫৫৩

عن عبد الله بن مغفل قال قال رسول الله صلى الله عليه وسلم الله الله في اصحابي لا ذخذوهم غرضا من بعدى فمن احبهم فيحيي احبهم ومن ابغضهم

অর্থঃ রাসূল সাল্লাল্লাহু ‘আলাইহি ওয়াসাল্লাম ইরশাদ ফরমান, আল্লাহকে ভয় কর, আল্লাহকে ভয় কর আমার সাহাবাদের বিষয়ে। তাদেরকে সমালোচনার পাত্র বানাতে না। যারা তাদেরকে ভালবাসবে আমার মুহাব্বাতেই তা করবে। আর যারা তাদের সাথে শত্রুতা পোষণ করবে তারা আমার সাথেই শত্রুতাহেতু তাদের শত্রু হবে..... তিরমিযী ২- ২২৫ মিশকাত – ৫৫৪

عن ابن عمر قال قال رسول الله صلى الله عليه وسلم إذا رأيدم الذين يسبون أصحابي فقولوا لعنة الله على شركم

অর্থঃ রাসূল সাল্লাল্লাহু ‘আলাইহি ওয়াসাল্লাম ইরশাদ ফরমান, তোমরা যখন ঐ সকল লোকদেরকে দেখবে যারা আমার সাহাবাদের মন্দ বলে, তখন তোমরা বলবে, তোমাদের অনিষ্টের প্রতি আল্লাহর লা‘নত হোক। (তিরমিযী ২- ২৫৫ মিশকাত ৫৫৪)

মোটকথা সাহাবায়ে কেলাম- আল্লাহ ও তাঁর রাসূলের দৃষ্টিতে অনেক সম্মানী জামা‘আত। আল্লাহ তাদের সকলের প্রতি সন্তুষ্টির ঘোষণা দিয়েছেন। রাসূল সাল্লাল্লাহু ‘আলাইহি ওয়াসাল্লাম তাদেরকে সমালোচনার পাত্র বানাতে কঠোর নিষেধাজ্ঞা আরোপ করেছেন। বিস্তারিত জানতে হলে দেখেন মুফতী শফী রহ. প্রণীত “মাকামে সাহাবা” নামক কিতাবটি।

আর এ কারণেই আকাইদের বিখ্যাত কিতাব “মুছায়রাতে” উল্লেখ করা হয়েছে যেমনঃ

واعذقاد اهل السنة و الجماعة ذكوية جميع الصحابة وجوبا .....

অর্থঃ আহলে সুন্নাত ওয়াল জামা'আতের আকীদা হল যে, সকল সাহাবীকে নির্দোষ বলা ওয়াজিব। (মুসায্যারাহ পৃঃ ১৩২ দেওবন্দ। সূত্রঃ মাকামে সাহাবা - পৃঃ ৭৯)

তেমনিভাবে শাইখুল ইসলাম ইবনে তাইমিয়া রহ. লিখেনঃ

ومن اصول اهل السنة و الجماعة سلامة قلوبهم و السندهم لاصحاب رسول الله صلى الله عليه وسلم

অর্থঃ আহলে সুন্নাত ওয়াল জামা'আতের মৌলিক বিশ্বাস হল যে, রাসূলের সাহাবাদের ব্যাপারে নিজ অন্তর ও জিহ্বাকে পরিষ্কার রাখবে। (শরহে আকীদায়ে ওয়াসিত্বিয়াহ পৃঃ ৪০৩ সূত্র মাকামে সাহাবা পৃঃ ৭৯)

আল্লামা ইবনে তাইমিয়া রহ. আরো বলেনঃ

لا يجوز لاحد ان يذكر شيئا من مساويهم ولا ان يطعن علي أحد منهم بعيب و لا نقص فمن فعل ذلك وجب ذاديه

অর্থঃ সাহাবাদের দোষ-ত্রুটি বর্ণনা করা কারো জন্যই জায়েয নাই। যে এমন করবে তাকে শাস্তি দেওয়া ওয়াজিব। (আসসারিমূল মাস্নুলুল। সূত্রঃ মাকামে সাহাবা - ৭৭)

ইমাম নববী রহ. বলেনঃ

-الصحابة كلهم عدول من لايس الفذن وغيرهم باجماع من يعذد به

অর্থঃ গ্রহণযোগ্য সকলের এ ব্যাপারে ইজমা যে, সকল সাহাবী নিরপরাধী, এমনকি যারা পরস্পর বিগ্রহে পতিত হয়েছেন তাঁরাও। (তাক্বরীব সূত্রঃ মাকামে সাহাবা - পৃঃ ৭৭)

ইমাম মুসলিমের উস্তাদ ইমাম আবু যরআহ রহ. বলেনঃ

إذا رأيد الرجل ينذقص أحدا من اصحاب رسول الله صلى الله عليه وسلم فاعلم انه زنديق

অর্থঃ যখন কাউকে কোন সাহাবীর দোষ-বর্ণনা করতে দেখ, তাহলে জেনে নাও যে সে হল, যেন্দীক (ধর্মদ্রোহী)। আদদুররাতুল মুযিয়াহ। (সূত্রঃ মাকামে সাহাবা - ৭৯)

তেমনি ভাবে প্রসিদ্ধ আকীদার কিতাব শরহে আকীদাতুত্বাহাবিয়াহ। উল্লেখ আছে.....

ونحب اصحاب رسول الله صلى الله عليه وسلم.....ولا نذكرهم إلا بخير وحبهم دين وإيمان  
واحسان وبغضهم كفر ونفاق وطغيان .

অর্থঃ আমরা সকল সাহাবীকে ভালবাসি ..... তাদের শুধুমাত্র ভালোর আলোচনাই করি। তাদের প্রতি ভালবাসা দ্বীন, ঈমান ও ইহসানের পরিচায়ক আর তাদের প্রতি শত্রুতা পোষণ কুফর, মুনাফেকী ও অবাধ্যতার পরিচায়ক। আক্বীদা নং ৯৭-

উপরোক্ত আলোচনা দ্বারা বুঝা গেল যে সাহাবাদের সমালোচনাকারী আহলে সুনাত ওয়াল জামা‘আত বহির্ভূত ও গোমরাহ দলের অন্তর্ভুক্ত।

( ৫) মওদুদী সাহেব যেমন সাহাবায়েকেরামকে সত্যের মাপকাঠি মানতে নারাজ তেমনি আশ্বিয়ায়েকেরাম, সম্পূর্ণ নিষ্পাপ বলতেও নারাজ; যথা আশ্বিয়ায়েকেরাম সম্পর্কে তিনি লিখেনঃ

عصمت انبياء عليهم الصلاة والسلام كى لوازم ذات سے نہیں..... اور ایک لطیف نکتہ یہ ہے کہ اللہ تعالیٰ نے بالارادہ ہر نبی سے کسی وقت اپنی حفاظت اٹھا کر ایک وہ لغزش ہو جانے دی ہیں تاکہ لوگ انبیاء کو خدانہ سمجھیں اور جان لیں کہ یہ بسى بشر ہیں۔

অর্থঃ নিষ্পাপ হওয়া আশ্বিয়ায়েকেরামের সত্ত্বার জন্য আবশ্যিক নয় বরং নবুওয়াতের দায়িত্ব সঠিক ভাবে পালনার্থে আল্লাহ তা‘আলা তাঁদেরকে গুনাহ হতে হেফাজতে রেখেছেন। নতুবা ক্ষণিকের জন্য সে হিফাজত উঠিয়ে নিলে সাধারণ মানুষের মত তাদেরও ভুল ভ্রান্তি হতে পারে, আর মজার কথা যে, আল্লাহ- তা‘আলা ইচ্ছা করেই প্রত্যেক নবী থেকে কোন না কোন সময় এই হিফাজত উঠিয়ে দু’একটি গুনাহ হতে দিয়েছেন, যাতে লোকেরা তাঁদেরকে খোদা মনে না করে এবং বুঝে নেয় যে, তাঁরাও মানুষ। তাফহীমাত ২, পৃঃ ৫৭ ষষ্ঠ সংস্করণ তেমনি ভাবে তর্জুমানুল কুরআন ৫৮- এপ্রিল ১৯৭৬ সংখ্যায়

اسلام کس چیز کا علمبردار ہے

শিরোনামে স্বয়ং মুহাম্মদ সাল্লাল্লাহু ‘আলাইহি ওয়াসাল্লাম সম্পর্কে লিখেনঃ

وہ نہ فوق البشر ہے۔ نہ بشری کمزوریوں سے بالاتر ہے۔

অর্থঃ তিনি সাল্লাল্লাহু ‘আলাইহি ওয়াসাল্লাম না মানব উর্ধ্বের ছিলেন, না মানবিক দুর্বলতা মুক্ত ছিলেন। মোটকথা তাঁর মতে আশ্বিয়াকেরাম সত্ত্বাগত দিক থেকে মাসুম তথা নিষ্পাপ ছিলেন না। বরং প্রত্যেক নবীর দ্বারাই গুনাহ সংঘটিত হয়েছে। এমনকি স্বয়ং মুহাম্মাদ সাল্লাল্লাহু ‘আলাইহি ওয়াসাল্লামও মানবিক দুর্বলতা মুক্ত ছিলেন না, আর আশ্বিয়াকেরামের গুনাহ দেখানোর জন্য তিনি তাফহীমুল কুরআন, তরজুমানুল ২৯ খঃ ও রাসায়িল মাসায়িল ১ম খণ্ড হযরত আদম, হযরত দাউদ, হযরত ইউনুস, হযরত ইউসুফ ও হযরত মূসা আলাইহিমুস সালাম কর্তৃক গুনাহ প্রমাণ করার চেষ্টা করেছেন।

অথচ হযরত আদম আ. এর গন্ধম খাওয়ার বিষয়টি দুনিয়ায় অবতীর্ণ হওয়ার পূর্বকার ছিল। এছাড়া কোন নবী হতে ইহ জীবনে শরী‘আতের দৃষ্টিতে কোন পাপ কাজ হয়েছে এমন প্রমাণ কোথাও নাই। আর হবেই বা কি করে। কারণ কুরআন পাকের বহু আয়াতে উম্মাতকে নবী- রাসূলের নিঃশর্ত ও দ্বিধাহীন আনুগত্যের হুকুম করা হয়েছে। তাঁদের দ্বারা কখনো কখনো গুনাহ হওয়ার সম্ভাবনা থাকাবস্থায় এ আনুগত্য কি করে সম্ভব?

আর খাওয়া পরা সংসার ধর্ম এগুলো হল মানবিক চাহিদা ও প্রয়োজন। মানবিক দুর্বলতা হল, হিংসা, বিদ্বেষ, স্বজন প্রীতি অযথা ক্রোধ ইত্যাদি। রাসূল নিজে যদি এসব দুর্বলতা মুক্তই না হন, উম্মাতকে এ সব দুর্বলতা মুক্ত করবেন কি করে? নবীগণ মানুষজাতের একথা প্রমাণের জন্য খাওয়া- পরা এজাতীয় মানবিক প্রয়োজনইতো যথেষ্ট, তা সত্ত্বেও তাদেরকে দিয়ে গুনাহ সংঘটিত করিয়ে ও মানবিক দুর্বলতায়ুক্ত রেখে মানুষ প্রমাণের কি দরকার আছে?

বস্তুতঃ আশ্বিয়াকেরামের নিষ্পাপ হওয়া স্বয়ং কুরআনের ও খোদ নবুওয়তীর দাবী, গুনাহের প্ররোচক নফস ও শয়তানের কুমন্ত্রণা হতে আল্লাহ তাদেরকেই সর্বদাই মুক্ত রেখেছেন, আহলে সুন্নাত ওয়াল জামা‘আত এটাই বিশ্বাস করে এবং করতে বাধ্য।

(৬) কুরআন সুন্নাহর অনুসরণের ক্ষেত্রে মাযহাব চতুষ্টয়ের ইমামদের তাকলীদ করা সম্পর্কে জনাব মওদুদী সাহেব লিখেনঃ

میرے نزدیک صاحب علم آدمی کیلئے تقلید ناجائز اور گناہ بلکہ اس سے بھی شدید تر چیز ہے۔

অর্থঃ আমার মতে একজন আলেমের জন্য তাকলীদ নাজায়িয়, গুনাহ বরং এর চেয়েও জঘন্যতম জিনিস। (রাসাইল মাসাইল ১ম খ- পৃঃ ২৪৪ সূত্র মওদুদী সাহেব আওর উনকী তাহরীরাত পৃঃ ৯৯)

অন্যত্র লিখেনঃ

میں نہ مسلک اہل حدیث کو اسکی تمام تفصیلات کے ساتھ صحیح سمجھتا ہوں اور نہ حنفیت یا شافعیت ہی کا پابند ہوں۔

অর্থঃ আমি আহলে হাদীসের মতাদর্শকে যেমন পুরাপুরি সঠিক মনে করি না তেমনি আমি হানাফী বা শাফেয়ী মাযহাবের অনুসারীও নই। (রাসাইল মাসাইল ১ম খ- পৃঃ ২৩৫ - সূত্র- মওদুদী সাহেব আওর উনকী তাহরীরাত ৯৮ )

মোট কথা মওদুদী সাহেবের মতে আলেমের জন্য ইমামদের তাকলীদ মারাত্মক গুনাহের কাজ, আর আলেম দ্বারা তার মত অপূর্ণ আলেম ও উদ্দেশ্য। তাহলে আইম্মায়েকেরামের পর হতে মুকাল্লিদ উলামা মাশায়েখ বুয়ুর্গানে দ্বীন সকলেই তাকলীদ করে। তাঁর মতে মারাত্মক গুনাহগার সাব্যস্ত হয়েছেন। কত জঘন্য কথা!

এ ছিল মওদুদী সাহেবের কতিপয় ভুল চিন্তাধারা। উপরে যে কয়টি ভুলের কথা আলোচনা করা হয়েছে সে গুলো হল তাঁর মূল থিওরির অন্তর্ভুক্ত। এ সব থিওরির আলোকেই তিনি লিখেছেন, দল গড়েছেন ও গবেষণা করেছেন। চিন্তা করলে বুঝতে পারবেন এসব থিওরির আলোকে লেখা বই, তাফসীর ও গবেষণা কি পরিমাণ গোমরাহী ও ভুলে পরিপূর্ণ হয়েছে। বিজ্ঞ ও হক্কানী উলামায়েকেরাম সে সব ভুলের প্রতি মওদুদী সাহেব তাঁর দলকে আকৃষ্ট করলে হয়তোবা ইনিয়ে বিনিয়ে আরো কয়েকটি গলত যুক্তি দিয়ে সে ভুলকেই প্রতিষ্ঠিত করতে চেয়েছেন বা কোন ভাবে ভুল ঢাকা সম্ভব না হলে লিখনি হতে সেই অংশটুকু গায়েব করে দিয়েছেন। কিন্তু কখনো প্রকাশ্যে ভুল স্বীকার করেননি। একারণে হক্কানী উলামায়েকেরাম প্রায় শুরু থেকেই মওদুদী সাহেব ও তাঁর চিন্তা ধারায় বিশ্বাসী জামায়াতে ইসলামীকে আহলে সুল্লাত ওয়াল জামা'আত বহির্ভূত একটি গোমরাহ দল হিসাবে অভিমত ব্যক্ত করেছেন। এবং অন্যদেরকে তাদের থেকে সতর্ক থাকতে বলেছেন।

নিম্নে জগৎবিখ্যাত কয়েকজন আলেমের অভিমত উল্লেখ করা হল-

(ক) আকাবিরে দেওবন্দের সর্বসম্মত ফাতাওয়াঃ মওদুদী সাহেব ও জামা‘আত ইসলামীর বই- পত্র ও রচনাবলী পড়ার দ্বারা সাধারণ মানুষ আইম্মায়ে হিদায়াতের সাথে সম্পর্কহীন হয়ে পড়ে, যা তাদের গোমরাহীর কারণ। তেমনি সাহাবায়েকেরাম ও বুযুর্গানে দ্বীনের প্রতি ভক্তি শ্রদ্ধায়ও বাটা পড়ে। এছাড়া মওদুদী সাহেবের বহু গবেষণা সম্পূর্ণ ভুল। সার্বিকভাবে মওদুদী সাহেব ও তাঁর দলের চিন্তাধারা একটি নতুন ফিৎনা, যা নিশ্চিত ক্ষতিকর। এ কারণে আমরা উক্ত চিন্তাধারা নির্ভর আন্দোলনকে গলদ ও মুসলিম উম্মাহর জন্য ক্ষতিকর মনে করি। এ দলের সাথে আমাদের কোন সম্পর্ক নাই।

দস্তখতকারীঃ হযরত মুফতী কিফায়াতুল্লাহ রহ., হযরত হুসাইন আহমাদ মাদানী রহ., হযরত কারী মুহাম্মাদ তৈয়েব রহ. (প্রিন্সিপ্যাল, দারুল উলূম দেওবন্দ)। শাইখুল হাদীস হযরত যাকারিয়া রহ., হযরত মুফতী সাইদ আহমাদ মা. জি. মুফতীয়ে দেওবন্দ প্রমুখ। মাসিক দারুল উলূম যী- কাহাদ ১৩৭০ সংখ্যা। (দৈনিক আল জমিয়ত দিল্লী ৩রা আগষ্ট ১৯৫১ খঃ - সূত্রঃ মওদুদী সাহেব আওর উনকী তাহরীরাত পৃঃ ১৯)

(খ) মুফতীয়ে আযম মুফতী মুহাম্মাদ শফী রহ. এর ফাতাওয়াঃ আমার মতে মওদুদী সাহেবের মৌলিক ভুল এই যে, তিনি আকাইদ ও আহকামের ক্ষেত্রে ব্যক্তিগত ইজতেহাদের অনুসরণ করেন, অথচ তাঁর মধ্যে মুজতাহিদ হওয়ার শর্তাবলী অনুপস্থিত। এই মৌলিক ভুলের কারণে তাঁর রচনাবলীতে বহু কথা ভুল ও আহলে সুন্নাত ওয়াল জামা‘আত পরিপন্থী। (আরো একটু আগে গিয়ে বলেন) মওদুদী সাহেবের রচনাবলীই জামায়াতে ইসলামীর চিন্তা চেতনার মূল পুঁজি। জামাআতের পক্ষ থেকে মওদুদী সাহেবের ভুল ভ্রান্তির সাধারণ পক্ষ পাতিত্ব একথাই প্রমাণ করে যে, মওদুদী চিন্তাধারা ও রচনাবলীর সাথে তারা একমত। কেউ একমত না হলে তা নিতান্তই ব্যতিক্রম। (জাওয়াহিরুল ফিকহ- ১ম খ- পৃঃ ১৭২)

(গ) গত শতাব্দীর শ্রেষ্ঠ হাদীস গ্রন্থ ই’ লাউসসুনানের সংকলক ও ঢাকা আলিয়ার প্রাক্তন হেড মুহাদ্দিস হযরত মাওলানা য়াফর আহমাদ উসমানীর অভিমতঃ মওদুদী সাহেব বাহ্যত মুনকিরে হাদীস। ইসলামের গণ্ডি বহির্ভূত নয়, হবে গোমরাহ ও বেদআতী। এমন লোক হতে

মুসলমানদের দূরে থাকা চাই। তাঁর কথায় মোটেও আস্থা না রাখা উচিত। এবং দ্বীন সম্পর্কে তাকে চরম মূর্খ মনে করা বাঞ্ছনীয়। (সূত্রঃ মওদুদী সাহেব আওর উনকী তাহরীরাত পৃঃ ২৫)

(ঘ) তাফসীরে হক্কানীর লেখক পেশোয়ার দারুল উলূম হক্কানীয়ার প্রতিষ্ঠাতা, শাইখুল হাদীস আব্দুল হক্ক রহ. এর অভিমতঃ মওদুদী সাহেবের আক্বাইদ আহলে সুন্নাত ওয়াল জামা‘আত পরিপন্থী ও বিভ্রান্তিমূলক, মুসলমানগণ যেন এই ফিৎনা হতে বেঁচে থাকতে চেষ্টা করেন। সূত্রঃ মওদুদী সাহেব আওর উনকী তাহরীরাত পৃঃ ২২

এছাড়া জনাব মওদুদী সাহেবের উত্থানের একেবারে প্রথম পর্যায়ে তার লেখা তরজুমানের একটি সংখ্যা হযরত হাকীমুল উম্মত আশরাফ আলী খানভীর সামনে পেশ করা হলে, মাত্র কয়েকটি লাইন পড়েই হযরত খানভী ইরশাদ করলেনঃ

باتوں کو نجاست میں ملا کر کہتا ہے، اہل باطل کسی باتیں ایسی ہی ہو کر تہی ہیں

অর্থঃ এই লোকের বক্তব্যে নাপাকীর সংমিশ্রণ রয়েছে। বাতিল পন্থীদের কথা এমনই হয়ে থাকে। (তরজুমানুল ইসলাম লাহোর ৩০ শে ডিসেম্বর ১৯৫৭ খঃ)

তেমনিভাবে আশরাফুসসাওয়ানেহ বাংলা অনুবাদ আশরাফ চরিত ৮৭৭ পৃষ্ঠায় উল্লেখ আছে যে, মাওলানা মঞ্জুর নো‘মানী সাহেব জামাআতের সাথে নিজ সম্পৃক্ততার সময়ে হযরত খানভীর সঙ্গে পরামর্শ করতে চাইলে, হযরত বলেন, আমার দিল এই আন্দোলনকে কবুল করে না।

মাত্র কয়েক জন শীর্ষস্থানীয় আলেমে দ্বীনের অভিমত এখানে উল্লেখ করা হল, তাছাড়া উপমহাদেশের অতীত বর্তমানের সকল হক্কানী আলেমগণের সর্বসম্মত মত হল যে, মওদুদী সাহেবের চিন্তাধারা ও তার উপর প্রতিষ্ঠিত জামায়াতে ইসলামী আহলে সুন্নাত ওয়াল জামা‘আত বহির্ভূত। এই হিসেবে শরী‘আতের দৃষ্টিতে তারা ফাসিক ও আকীদাগত ভাবে বিদআতী।

আল্লাহ তা‘আলা আমাদের সবাইকে সিরাতে মুস্তাকীমের উপর কায়েম থাকার তাওফীক দান করুন, আমীন।

প্রশ্ন দুইঃ মওদুদী সাহেবের লিখিত বই- পুস্তক তথা তাফহীমুল কুরআন, তাফহীমাত, তানকীহাত, খুতবাত, রাসায়েল মাসায়েল, তাজদীদ ও ইহয়ায়ে দ্বীন, খেলাফত ও মুলুকিয়াত, ইসলামী রিয়াসাত, কুরআন কী চার বুনিয়াদী ইস্তেলাহেঁ ইত্যাদি পড়া যাবে কি না? অর্থাৎ মওদুদী সাহেবের লিখিত বই- পুস্তক পড়া যাবে কী?

২নং প্রশ্নের জবাবঃ মওদুদী সাহেবের লিখিত বই পুস্তকে এমন অনেক আলোচনা রয়েছে, যা আহলে সুন্নাত ওয়াল জামা'আতের আকীদার পরিপন্থী। ইলমে কালাম, ইলমে ফিকহ ও চিন্তা ধারার ক্ষেত্রে তাঁর ব্যতিক্রমধর্মী মত রয়েছে। তিনি সালফে সালেহীনের কারো অনুসারী নন। তার লিখিত কিতাবাদীতে মু' তাযিলা, খাওয়ারেজ, লা-মাহাহাবী ও অন্যান্য বাতিল সম্প্রদায়ের কথাবার্তা পাওয়া যায়। তিনি দ্বীন-ইসলাম, ঈমান, তাওহীদ, রিসালাত, তাকওয়া, ইবাদত ইত্যাদির বিশ্লেষণ করেছেন হাদীস ও আসারে সাহাবা অনুসৃত আকাবিরে উম্মাতের পথ ত্যাগ করে। অপরদিকে রাসূলে খোদা সাল্লাল্লাহু 'আলাইহি ওয়াসাল্লাম-এর নিজ হাতে গড়া ও নুযূলে কুরআনের প্রত্যক্ষদর্শী জামা'আতে সাহাবার অনুসরণে প্রয়োজনীয় সকল জ্ঞানে শ্রেষ্ঠ জ্ঞানী উলামায়ে উম্মাতের সূত্র পরম্পরায় দ্বীন, ইসলাম ও আনুষঙ্গিক সকল বিষয়ের নির্ভুল ব্যাখ্যা বিশ্লেষণকে মওদুদী সাহেব ভুল ও বিকৃতি আখ্যা দিতে চেষ্টা করেছেন। এবং এসব হযম করাতে চেয়েছেন খুব চতুরতার সাথে যা একজন মুহাক্কিক আলেম ছাড়া ধরা মুশকিল।

তাই সাধারণ মানুষের জন্য প্রথম, মওদুদী সাহেবের রচনাবলী সংক্রান্ত হক্কানী উলামাদের লিখিত বই- পুস্তক পড়ে নেওয়া জরুরী। তা না করে প্রথমেই মওদুদী সাহেবের বই- পত্র, তাফসীর, ইত্যাদি পড়তে গেলে বিভ্রান্তি ও গোমরাহী অবধারিত। নিজের ঈমান-আমলের সংরক্ষণের স্বার্থেই এমন কাজ হতে বিরত থাকা জরুরী। এ ব্যাপারে যুগ শ্রেষ্ঠ কয়েকজন আলেমের অভিমত নিম্নে প্রদত্ত হল।

১. শাইখুল ইসলাম হযরত হুসাইন আহমদ মাদানী রহ. এর অভিমতঃ মওদুদী সাহেবের রচনাবলী ও কিতাবাদী দ্বীনের আঙ্গিকে এমন বেদ্বীনী

ও অপব্যখ্যা সম্বলিত যে, কম ইলম সাধারণ মানুষ তা ধরতে পারে না। তাই সাধারণ শ্রেণী তা পড়ে মুহাম্মদ সাল্লাল্লাহু 'আলাইহি ওয়াসাল্লাম এর আনীত ইসলাম যার উপর সাড়ে তেরশত বৎসর উম্মাত আমল করে আসছে তা থেকে নিজেকে সম্পূর্ণ পৃথক করে ফেলে। (মওদুদীসাহেব আওর উনকী তাহরীরাত পৃঃ ১৫)

২. বিদ্বন্ধ মুহাদ্দিস, করাচী নিউটাউন মাদ্রাসার প্রতিষ্ঠাতা আল্লামা ইউসুফ বিনুরই রহ. এর অভিমতঃ মওদুদী সাহেবের বই পুস্তক, রচনাবলীতে এমন মারাত্মক বিষয় বস্তু ও উক্তি সমূহ রয়েছে যেগুলো দ্বারা নিয়মিত দ্বীনী ইলম অর্জনে ব্যর্থ নতুন সমাজ শুধু গোমরাহী নয়, স্পষ্ট কুফরীতেও লিপ্ত হয়ে যেতে পারে। (মওদুদী সাহেব আওর উনকী তাহরীরাত- পৃঃ ১১)

৩. দারুল উলূম দেওবন্দের প্রধান মুফতী হযরত মাওলানা মাহমুদ হাসান গাংগুহী রহ. এর ফাতাওয়াঃ জনাব মওদুদী সাহেব যে সমস্ত বই পুস্তক লিখে প্রচার- প্রসার করেছেন, সে সমস্ত বই পুস্তকে অনেক বিষয় এমন ও রয়েছে যা আহলে সুন্নাত ওয়াল জামা'আতের মতাদর্শ পরিপন্থী। তিনি ইলমে ফিকহ এর ক্ষেত্রে ভিন্ন মত রাখেন। আইম্মায়ে সালাফের কারো অনুসারী নন। তাঁর লিখিত বই- পুস্তকে মু' তাযিলা, খাওয়ারেজ ইত্যাদি সম্প্রদায়ের কথাবার্তা পাওয়া যায়।

কাজেই তার কিতাবাদী অধ্যয়ন করা দ্বীনের ক্ষেত্রে ক্ষতিকর। ... শুধু ক্ষতিকরই নয় বরং ধ্বংসাত্মকও বটে। এবং সরাসরি গোমরাহীর মাধ্যম। এজন্যই জনসাধারণকে তার কিতাবাদী পড়া বা অধ্যয়ন থেকে বিরত রাখা হয়। আর এসমস্ত কিতাবাদী যখন লাইব্রেরীতে থাকবে তখন অধ্যয়নে আসবেই। আর লাইব্রেরীতে না থাকলে অধ্যয়নেও আসবে না। (সুতরাং লাইব্রেরীতেও এসমস্ত কিতাবাদী না থাকা চাই) (ফাতাওয়ায়ে মাহমুদিয়া ১/২৪৭)

প্রশ্ন তিনঃ মওদুদী পন্থী ইমামের পিছনে নামায আদায় করলে নামায সহীহ হবে কি- না? এবং তাদেরকে ইমাম বা মুয়াজ্জিন হিসাবে নিয়োগ দেয়া যাবে কি- না?

## ৩নং প্রশ্নের জবাবঃ

১ম প্রশ্নের বিস্তারিত জবাব দ্বারা স্পষ্টভাবে প্রমাণিত যে, মওদুদী সাহেবের চিন্তাধারা ও আকীদা অনেকাংশে আহলে সুন্নাত ওয়াল জামা'আত পরিপন্থী। তন্মধ্যে অন্যতম হল, তিনি সাহাবায়েকেরামের দোষচর্চাকারী। তাঁর দলকেও সে কাজে তিনি উৎসাহিত করেছেন এবং বাস্তবে জামায়াতে ইসলামী তার চিন্তাধারার সাথে কার্যতঃ একমত, বিশেষ করে সাহাবাদের দোষচর্চায় তারা মওদুদী সাহেবের পদাঙ্ক অনুসারী।

তাই মওদুদী সাহেবের চিন্তাধারায় বিশ্বাসী বর্তমান জামায়াতে ইসলামীর সদস্যরা শরী'আতের দৃষ্টিতে ফাসিক। আর ফাসিকের ইমামতী মাকরুহে তাহরীমী। তেমনি কোন ফাসিককে মুআযযিন বানানোও মাকরুহে তাহরীমী।

**প্রমাণঃ** (১) উপমহাদেশের প্রখ্যাত মুফতী জনাব মুফতী মুহাম্মদ শফী রহ. স্বীয় গ্রন্থ জাওয়াহিরুল ফিকহে লিখেন....নামায সম্বন্ধে শরী' আতের সিদ্ধান্ত হল এই যে, ইমাম এমন ব্যক্তিকে বানানো উচিত যিনি আহলে সুন্নাত ওয়াল জামা'আতের অনুসারী। সুতরাং যারা মওদুদী চিন্তা ধারায় একমত তাদেরকে স্বেচ্ছায় ইমাম বানানো জায়িয় নাই। হ্যাঁ, কেহ তাদের পিছনে নামায পড়ে নিলে নামায হয়ে যাবে। (জাওয়াহিরুলফিক্হ ১/১৭২)

(২) মুজাহিদে আযম, আল্লামা হযরত মাওলানা শামছুল হক ফরীদপুরী রহ. লিখেন, যাহারা সাহাবায়েকেরামদের দোষচর্চায় লিপ্ত তাহারা যে কেহই হউন না কেন, তাহাদিগকে ইমাম বানাইয়া পিছনে নামায পড়া কিছুতেই জায়িয় হইবে না। কারণ যেহেতু তাহারা সাহাবায়েকেরামের দোষচর্চার কারণে আহলে সুন্নাত ওয়াল জামা'আত হইতে খারেজ হইয়া গিয়াছে। (ভুল সংশোধন পৃঃ ১৪২)

(৩) প্রসিদ্ধ ফাতাওয়ার কিতাব আহসানুল ফাতাওয়ার লেখক জনাব মুফতী রশীদ আহমদ রহ. লিখেনঃ মওদুদী চিন্তাধারায় একমত এমন ব্যক্তির ইমামতী মাকরুহে তাহরীমী। (আহসানুল ফাতাওয়া ৩/২৯১)

## সমাপ্ত